

*Capo 1*

Sunniatu mi sò di un ponte, duve aghju vistu un zitellu  
Scrittu ellu s'era in fronte, cù lu so sangue Ribellu  
Era Maghju sessanta nove di seculu sette centu

U nemicu era Francese, l'associu era Prussianu  
U falzacciu genuvese è u ribellu paisanu  
Venuti eran' d'Acquale à la chjama di Pasquale

A battaglia fù murtale, a vindetta sanguinosa  
Morti sò quelli d'Acquale, vinuti à la ritrosa  
Anu stirpatu la ghjente è brusgiatu li paesi

O Corsu, ùn ascoltà più a sturiaccia chì t'imbrulla  
Quessa vuleria d'ì chì ribellu hè mortu per nulla  
È chì mancu un francu vale l'esiliu di Sgiò Pasquale

Sunniatu mi sò d'un ponte, duve aghju vistu un zitellu  
Scrittu ellu s'era in fronte, cù lu so sangue Ribellu  
Era Maghju sessanta nove di seculu settecentu  
Era Maghju sessanta nove di seculu settecentu